

مهزلة

تخلي روض من أقصاه أجمل الورد أحمله
وأهديه لأيديين وظفاير شيخة الورد الندي
تخلي نهر بالأحجار نتمثنى جدوله
نبقى على جاله جلوس شوي وشوي نعدي
تخلي بيت دفاه من المواجه والوله
ضحك وسواليف وسهر ومزوح وبساط أحمدي
تخلي عشق عجزت أستوعبه وأتخليه
كانه على هالحال ما عز الله أبشر بسعدي
ياسيدة عشقي وأنا راعيه راعي الأوله
ماهي كثيره لو تقولين: أنت والله سيدي
ترا الله إي حط لك ذاك الغلا والمنزله
وإلا الهوى لا ورث أبوي ولا نخرته لولدي
حبيبي مايقهر الرجال في مستقبله
لا الهوى إلي مرة يقبل ومرات يغدي
حتى الوفا لا زاد عن حده يعود مهزله
ياليتني خنتك ولا إلي قام يحداني حدي

ناصر القحطاني

تدرين يا حلوة متى العاشق يحس بالمهزله
لاجاه شي مثل شي قام يحداني حدي
ما أقسى من دموع اليتيم إذا ذكر ضحكة هله
لايهد من الفراق إلا الفراق السرمدي
الورده إلي في شرايين الحشا متغلغله
ياروحي الي لو تبرت مني أختل جسدي
كونت لك عالم غرام مادخله البلبله
إلا هدير ينتهي بين الضلوع وبيتي
حتى أقرب أصحابي من اللوعه سهيت وقتله:
يا لاجودي كف العذل ما في العواذيل اجودي
انا إلي استاهل عناقيد العنب يا مدله
ليتك دريتي كيف عيني تذكرك في مرودي
يا ادنى من الغيم انتغطرس وطول من السمبله
يا أقرب كثير من الحكي وابعده شوي من الجدي
إن جيت رحتي مقفيه وإن رحت جيتي مقبله
كم مت..وليا قلتي «أحبك» تجد مولدي
دنياي انا لو تجتمع لذاتها في مكمله
والله ما أشهر لأي عين غير عينك مرودي
ياذابحتني كل شي إلا الجفا ما تحمله
ياكبركذبة عزتي لو قلت أبعده وأبعدي
قلبي لو أغديتيه في الصحراء بليا بوصله
ماتاخذين إلا وهو لأقصى ضلوعك مهتدي
وأن خاب ظني وآخر المشوار جاء مثل أوله
بغمض عيوني وأبحلم وأقهر الحظ الردي
بأحلامنا حتى آخر المريخ نقدر نوصله
الله..لو نطلع بساط الريح وايدك في يدي

